


1769

LE

869

DECAMPEMENT  
ET LA HONTEVSE FVITTE  
DE L'ARMÉE  
DV MARESCHAL  
DE TVRENNE.

Avec la défaite de son Arriere garde,  
poursuiue par le Comte de Ta-  
uannes & le Marquis de la Bou-  
laye.



A PARIS,  
Chez LAVRENT LAVREAU,  
M. DC. LII.



DE CAMPMENT

ET LA HONTEUSE FILLTE

DE L'ARMEE

DE MARESCHAL

DE T. V. RENN

Avec la dédicace de son Auteur  
présentée par le Comte de T.  
Marsin & le Marquis de la Bor.  
Jaye



A PARIS,

Chez L'AVRENT L'AVRENT

M. DE LIL





L E  
D E C A M P E M E N T

& la honteuse fuite de l'Ar-  
mée du Marefchal de Tu-  
renne.

*Avec la deffaitte de fon Arriere-garde pourfuiue  
par le Comte de Tauannes, & le Marquis  
de la Boullaye.*

**V**N genereux courage, tousiours agissant  
ne peut prendre aucun repos, mais es-  
tant accompagné de prudence à tousiours l'œil  
ouuert sur tout ce qu'il a affaire, le soin luy dé-  
robe le sommeil & ne luy permet pas vn mo-  
ment de respit, de peur de voir son project &  
deffein sans effect.

Ainsi Monsieur le Prince si recommandable  
par ses Victoires & conquestes, & qui est au-



iourd'huy le ſuiect d'admiration de toute l'Europe, ayant pris à cœur cette guerre qu'il pretend la terminer par vne Paix Generale, apres auoir oſté aux ennemis du Roy, de la Maiſon Royale & de l'Eſtat, les moyens de la continuer, comme telle eſt auſſi l'intention de Monſieur le Due d'Orleans, de maintenir l'autorité Royale contre les Eſtrangers qui en abuſent, a employé tous ſes ſoins pour empêcher le Mareſchal de Turenne d'auoir dequoy faire ſubſiſter ſon Armée, l'ayant obligé à ſe retrancher dans Ville-neufue S. George, & ſur ſon Eminence qu'il occupe iuſques à Mongerō & Valenton, n'ayant plus de fueilles d'arbres ny de vignes pour nourrir ſes Cheuaux, il s'eſt terraffé de telle ſorte dans ſes retranchemens, qu'il eſt comme impoſſible de le forcer à moins que de perdre beaucoup de ſoldats, ce que M. le prince ne veut faire, mais bien d'attendre que le mareſchal de Turenne ne puiſſe plus auoir de viure ny fourrage, & alors il ſeroit contraint ou de composer ou de faire vneffort pour ſe ſauuer.

Mais monſieur le Prince conſiderant la ſaiſon qui ſe paſſe ſans rien aduancer, & deſirant employer l'Armée qu'il a à forcer ſon ennemy ainſi terraffé, auoit pris reſolution de luy faire quitter



ier Ville-neufue saint Georges, & pour cét effet, il a donné Ordre de faire dans l'Arsenal de Paris quantité de Grenades, Bombes & feux d'Artifices, qui sont prests à conduire en son Camp, pour les ietter sur ceste ville, qui est le moyen d'embraser les Maisons & les mettre en cendre; en sorte qu'il sera impossible au Marechal de Turenne d'y entretenir son Armée, à moins que de perir sous les ruines de ses bastiments: & ainsi il se verroit contraint d'abandonner la Place qui est la plus forte retraicte, & se retirer sur l'Eminence sur laquelle il ne pourroit demeurer campé, & par ce moyen il n'auroit plus la cōmodité de la riuere vers laquelle les retranchement s'estendent.

D'ailleurs monsieur le Prince luy ayant fait ainsi quitter Ville-neufue saint Georges il seroit en peine de loger son camp pour sauuer son bagage, qui est dans la place, & alors l'Armée se logeant dans la Ville, elle aura moyen de forcer le Marechal de Turenne sur l'Eminence où il se retiroid, ce qui se feroit en deux fois vingt quatre heures, car l'Armée lassaillant de tous costez & luy ayant ainsi perdu la commodité de la riuere il ne luy seroit plus possible de se sauuer estant enfermé de tous costez sans es-



6  
perance d'estre secouru, & de ne receuoir aucune munitions de viure de Corbeil, comme il auoit tousiours fait iusques à present.

La Deffaite de l'Armée du Marechal de Turenne seroit sans doute suivie tost apres de la Paix Generale, d'autant qu'estant la plus forte l'esperance du party Mazarin, qui ne subsiste que par cette Armée du Marechal de Turenne, n'en ayant point d'autre suffisante pour resister à celle de Messieurs les Princes, il faudroit necessairement faire la Paix, de laquelle il y a de grandes dispositions de part & d'autre.

Neantmoins le Marechal de Turenne sçachant que Monsieur le Prince estoit malade & qu'il ne pouuoit monter à Cheual pour faire reüssir son dessein, & que Monsieur de Lorraine, ny Monsieur le Duc de Beaufort, & les autres Chefs de l'Armée ne vouloient rien entreprendre pendant son absence, ils auoient iusques icy tousiours attendu sa conualescence, car sa personne vallant dix mille hommes y estoit grandement necessaire, & le Marechal apprehendant son retour en l'Armée, & la conioncture des Troupes du Prince de Ligne son allié, & du Comte de Buquoy que l'Archiduc Leo-



polde enuoye, & qui sont proche du Camp, autres quatre mille Cheuaux que le Comte de Massouie enuoye à monsieur le Prince, ces apprehensions luy ont fait, prendre la resolution la nuit du Vendredy au Samedy cinquiesme d'Octobre de decamper par dessus le Pont qu'il auoit sur la riuere de Seine vis à vis Villeneuve Saint Georges, & s'est retiré vers Iuiffy avec ce qui luy reste de son armée.

Toutefois le Comte de Tauannes & le marquis de la Boullaye avec deux mille cheuaux ont passé la riuere, pour suiuant l'Arriere-garde du Marechal de Turenne, ayant deffait tout ce qui restoit à passer; ce qui est cause que ce Marechal ne trouuera pas son armée au mesme estat qu'elle estoit lors qu'il s'est retranché, plus de la moitié estant perie fante de viures.

Sa resolution est de s'approcher de Saint Germain en Laye, où il croit estre renforcé des Troupes du Marechal de la Ferté-Senneterre, & de celles qui sont sorties de Dunquerque, le tout ne faisant point quatre mille hommes.

Mais il aura à ses trouffes l'armée de messieurs les Princes, qui l'iront chercher où il sera, afin de le combattre; ce que nous apprendrons dans peu de iours.

F I N.



